

**Oqaluuserisassanut nassuiaat.**

(Inatsisartut Siulittaasuut)

Ilaqutariinnermut Peqqissutsimullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 22-p aappassaaneernejarnissaa pingajussaaneernejarnissaalu kinguartinneqarlutik. Aappassaaneerinninnissaq maajip ulluisa aappaanniit arfineq-pingajuannut kinguartinneqarpoq.

Pingajussaaneerinninnissaq maajip ulluisa arfineq-pingajuanniit 13-iannut kinguartinneqarpoq.

Immikkoortup qulequtaraa: Siunnersuut uunga: Utoqqalinersiaqarneq pillugu Inatsisartut inatsisaata allanngortinneqarnera pillugu Inatsisartut inatsisaat.

Ilaqutariinnermut Peqqissutsimullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 50-ip aappassaaneernejarnissaa kinguartinneqarluni.

Aappassaaneerinninnissaq maajip ulluisa aappaanniit arfineq-pingajuannut kinguartinneqarpoq.

Immikkoortup qulequtaraa: Isertitat annertussusaat malillugit utoqqalinermit soraarnerussutisiat Ilangarneqartarunnaarlutilluanniit atorunnaarsinneqartarunnaarsillugit, Naalackersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuut.

Inuussutissarsiornermut Aatsitassanullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 25-p aappassaaneernejarnissaa pingajussaaneernejarnissaalu kinguartinneqarlutik. Aappassaaneerinninnissaq maajip ulluisa aappaanniit arfineq-pingajuannut kinguartinneqarpoq.

Pingajussaaneerinninnissaq maajip ulluisa arfineq-pingajuanniit 13-iannut kinguartinneqarpoq.

Immikkoortup qulequtaraa: Uunga siunnersuut: Najukkani aatsitassanut tunngasunik suliaqarnerit pillugit Inatsisartut inatsisaat.

Inuussutissarsiornermut Aatsitassanullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 26-p aappassaaneernejarnissaa pingajussaaneernejarnissaalu kinguartinneqarlutik. Aappassaaneerinninnissaq maajip ulluisa aappaanniit arfineq-pingajuannut kinguartinneqarpoq.

Pingajussaaneerinninnissaq maajip ulluisa arfineq-pingajuanniit 13-iannut kinguartinneqarpoq.

Immikkoortup qulequtaraa: Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 24-p aappassaaneerneqarnissaa pingajussaaneerneqarnissaalu kinguartinneqarlutik.

Aappassaaneerinninnissaq maajip ulluisa aappaanniit 16-iannut kinguartinneqarpoq. Pingajussaaneerinninnissaq maajip ulluisa arfineq-pingajuanniit 23-annut kinguartinneqarpoq. Immikkoortup qulequtaraa: Siunnersuut uunga: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat.

Aningaasaqarnermut Akileraartarnermullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 18-ip aappassaaneerneqarnissaa kinguartinneqarluni.

Aappassaaneerinninnissaq aprilip ulluisa 30-anniit maajip ulluisa arfineq-aappaannut kinguartinneqarpoq.

Immikkoortup qulequtaraa: Aningaasatigut peqquserluutinik malunnarunnaarsaaneq aamma peqqarniisaarniarnermut aningaasalersuineq pitsaaliorniarlugit pineqaatissiissutit pillugit inatsisini (aningaasatigut peqquserluutinik malunnarunnaarsaaneq pillugu inatsit) inatsisit assigiinngitsut aalajangersagaanni, Kalaallit nunaani ataatsimut peqqussummik Kalaallit Nunaanni Namminersorlutik Oqartussat atulersitsinerat pillugu Inatsisartunut aalajangiiffigisassatut siunnersuut.

Aningaasaqarnermut Akileraartarnermullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 19-ip aappassaaneerneqarnissaa kinguartinneqarluni.

Aappassaaneerinninnissaq aprilip ulluisa 30-anniit maajip ulluisa arfineq-aappaannut kinguartinneqarpoq.

Immikkoortup qulequtaraa: Uunga siunnersuut Ajoqusernermi sillimmasiisarfinnut qularnaveeqqusiisarnermut aningaasaateqarfik pillugu inatsimmi aalajangersakkani assigiinngitsuni allannguinerup Kalaallit Nunaanni atortussanngortinneqarneranik Kalaallit Nunaanni Namminersorlutik Oqartussat akuersissuteqarnerat.

Aningaasaqarnermut Akileraartarnermullu Ataatsimiititaliaq isumaliutissiissusiornerminut piffissaqarnerunissaminik qinnuteqarpoq, taamaattumillu immikkoortup 20-p aappassaaneerneqarnissaa kinguartinneqarluni.

Aappassaaneerinninnissaq aprilip ulluisa 30-anniit maajip ulluisa arfineq-aappaannut

kinguartinneqarpoq.

Immikkoortup qulequtaraa: Uunga siunnersuut: Namminersorlutik Oqartussat aningaasalersuisarnermik ingerlatsineq pillugu inatsimmik allannguineq inatsisini assigiinngitsuni aalajangersakkat ilaasa allanngortinneqarnerinik peqqussut pillugu Inatsisartut aalajangiiffigisassaattut siunnersuut.

Apeqquteqaat aallaavigalugu oqallinnissamik siunnersuutip immikkoortup 80-ip oqaluuserineqarnissaa maajip ulluisa aappaannut nuunneqarpoq.

Immikkoortup qulequtaraa: Inatsisartunut qinersinermi inatsit tunngaviatigut, inatsisartullu agguataarneranut kisitseriaaseq, inatsisartut amerlassussaataat kiisalu qanoq nunatsinni siammasissumik inatsisartuni ilaasortaataqarneq, qanga kommuunit kattutinngikkallarmata kredsime qinikkat 17-it ilaasortanngorsinnaanngortillugit aamma illoqarfiit inuttussusii najoqqutaralugit ilaasortaalerlutik apeqquteqaat aallaavigalugu oqallisissiamik siunnersuut.

**Taasisarnerit pillugit uku akornanni isumaqatigiissuteqartoqarpoq:**